



ՄԱՍՆԱՎՈՐ ՎԱՐԴԱՊԵՏԱԿԱՆ, ԱՍՏԻՃԱՆԻ ՏՎԶՈՒԹՅՈՒՆ
Ս. ՏԱԹԵՎ ՎԱՆՔՈՒՄ

Սույն թվականի նոյեմբերի 2-ին և 4-ին հոգևոր ճեմարանի հանդիսությունների դահլիճում տեղի ունեցավ Մայր Աթոռ Ս. Էջմիածնի յոթ երիտասարդ արքեպեպոսի վարդապետական թեզերի պաշտպանությունը, որոնցից վեցը Օշականի Ս. Մեսրոպ Մաշտոց եկեղեցում ստացան մասնավոր վարդապետության չորս աստիճաններ: Վեհափառ Հայրապետի բարեհաճ կարգադրությամբ և օրհնությամբ, Տ. Սերովքե արք. Իսախանյանի վարդապետական չորս աստիճանների տվչությունը տեղի ունեցավ նոյեմբերի 12-ին Սյունյաց թեմի առաջնորդահիստ Ս. Տաթև հոշակավոր վանքում՝ ձեռամբ նույն թեմի առաջնորդ գերաշնորհ Տ. Ասողիկ եպս. Արիստակեսյանի:

Առավոտյան ժամը 11-ին Ս. Տաթև վանքի Ս. Գրիգոր Լուսավորիչ եկեղեցում մատուցվում է սուրբ և անմահ պատարագ: Պատարագիչն է Մայր Աթոռի միաբան Տ. Ստեփանոս վրդ. Չաքալյանը: Պատարագի երգեցողությունը կատարում են հոգևոր ճեմարանի ամերիկահայ ուսանողները՝ ղեկավարությամբ Տ. Մամիկոն արք. Քիլեշյանի, որոնք նոյեմբերի 11—12-ին ուխտագնացությամբ գտնվում էին Սյունյաց թեմում:

«Հայր Մեր»-ից առաջ պատարագիչ հայր սուրբը իր սրտի խոսքն է հղում հավաքված շուրջ հարյուր հավատացյալներին՝ ի մասնավորի սնդրադառնալով Ս. Տաթև վանքի պատմական անցյալին, նրա հոգևորականների ունեցած դերին Հայ Ե-

կեղեցու կյանքում ու մշակույթի զարգացման գործում, հանգամանալի ներկայացնում է Ս. Տաթևի եռամեծար վարդապետի՝ Ս. Գրիգոր Տաթևացու գործունեությունը: Ինչպես հայտնի է, Տաթևացու մարմինը ամփոփված է Ս. Տաթև վանքի Ս. Պողոս-Պետրոս Մայր տաճարի հարավային պատի մոտ, որի վրա հետագայում կառուցված է փոքրիկ մատուռ-դամբարան:

Հավարտ ս. պատարագի, նախագահությամբ Ասողիկ արքեպեպոսի, հոգեհանգրստյան պաշտոն է կատարվում՝ ի հիշատակ վանքի կառուցողների, նրա հոգևոր սպասավորների, ինչպես նաև վերջերս նահատակված Մայր Աթոռի երիտասարդ միաբան Տ. Վահան արք. Դավթյանի:

Այնուհետև նույն եկեղեցում տեղի ունեցավ Սերովքե արքեպի մասնավոր վարդապետական աստիճանի տվչությունը: Ձեռնադրության Մաշտոցը վկայում է, որ մասնավոր և ծայրագույն վարդապետական աստիճանների տվչության սրբադրական սահմանել է Ս. Գրիգոր Տաթևացին: Իսկ ավանդությունը պատմում է, թե յուրաքանչյուր ընծայյալ տվչությունից հետո ծնկածալ ու երկյուղածությամբ մերձենում էր Ս. Տաթևի հոշակավոր գավազանայուցին, և եթե ընծայյալը արժանի էր իր աստիճանին, գավազանը հավատքի գործությամբ սկսում էր շարժվել:

Վերականգնվում է ավանդույթը, և այսուհետ բազմաթիվ միաբաններ ուխտիկան՝ խոնարհվելու «ճշմարտության վարդապետի, գերահամճար հեռորդի և ան-

յալոթ ախոյեանի սուրբ հաւատոյ՝ սրբոյն Գրիգորի Տաթևացոյ» մասունքներին և նրա բարեխոսութեամբ արժանի կրօնական ստանալու վարդապետական իշխանութեան աստիճանները:

Հավարտ տվչության Սյունյաց թեմի առաջնորդը իր պատգամն է տալիս նորաստեղծ վարդապետին:

«Յանուն Հօր և Որդոյ և Հոգւոյն Սրբոյ, ամէն»:

«Առ զսուրբ գաւազանն ի ձեռաց Հոգւոյն Սրբոյ, ունել իշխանութիւն քարոզել զբանն կենաց ողջամիտ վարդապետութեան յունկն հաւատացելոց» («Մաշտոց»):

Սիրելի հոգևոր եղբայրներ, սաներ հոգևոր ճեմարանի և հավատացյալներ, Տաթևի վանքի Ս. Գրիգոր Լուսավորիչ խընկյալ այս տաճարում ձեզ հետ միասին հայցելով Ս. Հոգու շնորհները ըստ Հայաստանյայց Եկեղեցու կանոնական Մաշտոցի, կատարեցինք տվչությունը հոգեշնորհ Ս. Սերովբե արքայի մասնավոր վարդապետության՝ չորս աստիճաններով: Աղոթքների, շարականների, քարոզների, ընթերցվածքների հոգեծորուն. խոսքերով, մեր նախնայց կարգով ու պատվով հայոց եկեղեցականաց փառանգին ավելացավ ևս մեկ վարդապետ, անվամբ Սերովբե:

Հոգևոր եղբայր Սերովբե վարդապետ, դու, որ կոչված ես սպասավորելու Սյուն-

յաց աշխարհում, որպես օգնական թեմի առաջնորդ եպիսկոպոսի, ցաւօր կատարեցիր սպասավորությունդ արեղայական, սակայն հետ այսու ստանալով մասնավոր վարդապետության չորս աստիճանները, պարտ է քեզ, որդյակ, շրջել Սյունյաց աշխարհում գավառե-գավառ, քարոզելու «զբանն կենաց ողջամիտ վարդապետութեամբ», «ուսուցանելոյ զտգէտս և խրատելոյ զստահակս», «կոչել յապաշխարհութիւն զմեղոցեալս և դարձուցանել զմոլորեալս ի գիտութիւն ճշմարտութեան»: Ուրեմն՝ «երթ և քարոզեա զաւետարանն սուրբ...»:

Դժվարին է այդ երթը, գիտենք, մանավանդ այս հեռավոր Սյունյաց գավառներում, քայց որ արդեն իսկ գոտեպնդվեցիր Ս. Հոգու շնորհներով, ինչպես նաև արիացար եռամեծար վարդապետի յոթնաւոյս պատգամներով, մենք էլ մեր հոգևոր դասով աջակից ենք քեզ, այլևս վարանելու տեղիք չպետք է տաւ: Ունկնդիր Տաթևացու պատգամին. «Առանց աչառանաց և երկիւղի ուտ և խրատեա, սաստեա, հանդիմանեա և դարձեալ մխիթարեա ըստ առաքելոյն բանի», զի Աստված ընդ քեզ է, մենք էլ՝ աղոթակից, այժմ և հավիտյանս, ամեն»:

ԹՂԹԱԿԻԾ

